

কৃষিপণ্যের ন্যায্যমূল্য নিশ্চিত করতে ন্যায্য মূল্য কমিশন চাই, উপকূলীয় কৃষি জমি রক্ষার্থে স্থায়ী বোড়িবাঁধ নির্মাণ করতে হবে

জাতীয়-বৈশ্বিক চ্যালেঞ্জ মোকাবেলায় কৃষির জন্য মোট বাজেটের ২০% বরাদ্দ চাই

১. কৃষি পণ্যের ন্যায্যমূল্য নিশ্চিত করতে ন্যায্যমূল্য কমিশন গঠন অত্যাবশ্যিক:

গত কয়েক বছর কৃষিপণ্যের ন্যায্যমূল্যের বিষয়টি আলোচিত হচ্ছে। ন্যায্যমূল্য না পেয়ে কৃষক তার পণ্য রাস্তায় টেলে দিয়ে দেশের বিভিন্ন জায়গায় প্রতিবাদ করেছেন। বিভিন্ন সূত্রে প্রাপ্ত তথ্য অনুযায়ী গত বছর একমণ ধান উৎপাদনে কৃষকের খরচ হয়েছে প্রায় ৬০০-৮০০ টাকা, সেখানে কৃষক এর জন্য দাম পেয়েছেন ৩০০-৫০০ টাকা। ফলে ধান উৎপাদনে অন্তত কৃষক ক্ষতিগ্রস্ত হচ্ছেন। ধান আমাদের প্রধান খাদ্য শস্য, এটি উৎপাদনে কৃষক হতাশ হয়ে গেলে এটি আমাদের পুরো খাদ্য নিরাপত্তার বিষয়টিকে হুমকির মধ্যে ফেলে দেবে।

গত বছর কৃষকদের কাছ থেকে সরাসরি ধান কেনার নিয়ম চালু হলেও অনেক জায়গায় কৃষক তার সফল পাননি বলেই পত্র-পত্রিকায় খবর প্রকাশিত হয়েছে। আমরা মনে করি, কৃষক বাঁচাতে এবং কৃষি পণ্যের ন্যায্যমূল্য নিশ্চিত করতে “জাতীয় কৃষি পণ্য মূল্য কমিশন” গঠন করতে হবে। এই মূল্য কমিশন কৃষিপণ্যের মূল্য নির্ধারণে কাজ করবে এবং সরকারি ও বেসরকারি কৃষি পণ্য ক্রয়পদ্ধতিতে সংস্কার আনবে।

২. দুর্যোগে পীড়িত কৃষককে জরুরি সহায়তার জন্য কৃষিতে ভর্তুকি বাড়াতে হবে:

সাম্প্রতিক অকাল বন্যায় হাওর এলাকার কৃষির যে ক্ষতি হয়েছে, সরকারের কোনও সহযোগিতা ছাড়া কোনভাবেই স্থানীয় কৃষকদের একার পক্ষে তার ক্ষত কাটিয়ে উঠা সম্ভব নয়। এই বন্যা আমাদেরকে এই বাতাই দেয় যে, প্রাকৃতিক দুর্যোগের এই দেশে আপদকালীন সময়ে কৃষকের পাশে দাঁড়ানোর জন্য বিশেষ সরকারি বরাদ্দ সবসময়ই থাকতে হবে। ক্ষতিগ্রস্ত কৃষকদের উঠে দাঁড়ানোর জন্য বীজসহ বিভিন্ন খাতে আর্থিক সহায়তা ও ভর্তুকি সহায়তা দিতে হবে।

কৃষক এবং কৃষি নিয়ে যারা কাজ করেন, তাদের পক্ষ থেকে সব সময়ই কৃষিতে ভর্তুকি বাড়ানোর দাবি করা হয়। কিন্তু প্রকৃত হিসাবে কৃষির জন্য ভর্তুকি আসলে কমানো হচ্ছে। ২০১৫-১৬ অর্থ বছরে কৃষিতে ৯ হাজার কোটি টাকা ভর্তুকি বরাদ্দের প্রস্তাব করা হলেও সংশোধিত বাজেটে তা ৭০০০ কোটি করা হয়। ২০১৬-১৭ অর্থ বছরে এর আগের অর্থ বছরের মতোই বরাদ্দ রাখা হয়, মূল্যস্ফীতি হিসাব করলে বরাদ্দ প্রকৃত পক্ষে কমেই যায়।

কৃষির ভর্তুকি নিয়ে ২০১৭-১৮ অর্থ বছরের বাজেটে এক ধরনের গুভঙ্করের ফাঁকি দেওয়া হয়। কৃষিতে ভর্তুকি সরাসরি কমিয়ে ফেললে হয়ত সমালোচনা হতো, অর্থমন্ত্রী তাই ভর্তুকি ২০১৬-১৭ অর্থ বছরের মতোই ৯০০০ কোটি টাকা রেখেছেন। ২০১৬-১৭ অর্থ বছরের জন্য মূল বাজেটে ৯০০০ কোটি টাকা রাখা হলেও, সংশোধিত বাজেটে তা কমিয়ে ৬০০০ কোটি টাকা করা হয়েছে। তার মানে ৩০০০ কোটি টাকা কম খরচ করা হয়েছে বা কম বরাদ্দ দেওয়া হয়েছে। ২০১৫-১৬ অর্থ বছরে কৃষিতে ৯ হাজার কোটি টাকা ভর্তুকি বরাদ্দের প্রস্তাব করা হলেও সংশোধিত বাজেটে তা ৭০০০ কোটি করা হয়।

কৃষির জন্য এই ভর্তুকিকে বিনিয়োগ হিসেবে চিহ্নিত করতে হবে। কারণ, সিপিডি'র গবেষণায় দেখা গেছে কৃষককে ১ টাকা ভর্তুকি দিলে কৃষক ১৫ টাকা ফেরত দিতে পারেন। দেশের ব্যাংক খাতের মতো অনেক খাত আছে যেখানে সরকার কোটি কোটি টাকা দিচ্ছে, অথচ জনগণের সেই অর্থ আর ফেরত আসছে না।

৩. জলবায়ু পরিবর্তন মোকাবেলায় কৃষকের সক্ষমতা বৃদ্ধিতে সহায়তা প্রয়োজন:

জলবায়ু পরিবর্তনের ফলে বিপদগ্রস্ত দেশগুলোর মধ্যে বাংলাদেশ বিশেষ শীর্ষস্থানীয় দেশ। তাই জলবায়ু পরিবর্তনের প্রভাব থেকে কৃষিকে বাঁচাতে কী উদ্যোগ নেওয়া হবে তার সুনির্দিষ্ট কৌশল থাকা উচিত জাতীয় বাজেটে। জলবায়ু পরিবর্তনের ফলে অতি বৃষ্টি, অনাবৃষ্টি, ঘন ঘন ঝড়, লবণাক্ততা বেড়ে যাওয়া, আকস্মিক বন্যা এবং এর ফলে জলবান্ধতা, প্রকৃতির অস্বাভাবিক আচরণ ইত্যাদি নানা কারণে আমাদের স্বাভাবিক চাষাবাদ ব্যহত হচ্ছে। জলবায়ু পরিবর্তনের বাস্তবতাকে মেনে নিয়েই আমাদের কৃষি ব্যবস্থাকে সাজাতে হবে। কৃষককে এই পরিবর্তন মোকাবেলায় সক্ষম করে তুলতে হবে। এই জন্য কৃষককে প্রশিক্ষণ, উপকরণগত সহায়তার জন্য সুনির্দিষ্ট বরাদ্দ থাকতে হবে বাজেটে।

৪. কৃষক বাঁচাতে নদী ভাঙ্গন প্রতিরোধ অত্যাবশ্যিক:

দেশের প্রায় ৫০ জেলার ১৫০টি উপজেলার মানুষ নদী ভাঙ্গনের শিকার হয় প্রতি বছর। প্রায় ১০ লাখ মানুষ প্রতি বছর নদী ভাঙ্গনের ফলে বসতবাড়ি, কৃষি জমি ইত্যাদি হারিয়ে প্রায় নিঃশ্ব হয়ে যায়। নদী ভাঙ্গনের করাল গ্রাসে প্রতিবছর এই মানুষগুলোর একটি বড় অংশ কৃষি খাত থেকে অন্যান্য বিভিন্ন পেশায় যোগ দিচ্ছে। বাজেটে উপকূলের বাঁধ সংস্কার, নতুন বাঁধ নির্মাণসহ এ খাতে বিশেষ বরাদ্দ থাকা প্রয়োজন। ঘূর্ণিঝড় রোয়ানু প্রচুর কৃষি জমি ও গবাদি পশু নষ্ট করে দিয়ে গেছে। ফলে ব্যাপকভাবে ক্ষতিগ্রস্ত হয়েছে উপকূলের




কৃষককে ১ টাকা ভর্তুকি দিলে কৃষক ১৫ টাকা ফেরত দিতে পারেন!

কৃষক ও জেলে। এ অবস্থার অবসানে উপকূলীয় এলাকায় টেকসই বাঁধ নির্মাণের কোনও বিকল্প নেই। আগামী অর্থ বছরে উপকূলীয় এলাকায় বাঁধ নির্মাণ বা এ সংক্রান্ত সমস্যা সামাধানে পর্যাণ্ত বরাদ্দ চাই।

৫. জাতীয় বাজেটে আনুপাতিক হারে কৃষির জন্য বরাদ্দ বাড়াতে হবে

দেশের মোট শ্রমশক্তির ৪৬ ভাগ কৃষিতে নিয়োজিত, দেশের মানুষের অধিকাংশ এখনো তাদের জীবিকার জন্য মানুষ কৃষির উপর নির্ভর করে। অথচ গত অর্থ বছরের বাজেটে সেই কৃষির জন্য (কৃষি মন্ত্রণালয়ের জন্য) বরাদ্দ ছিল মোট বাজেটের মাত্র ৩.৪%! মোট বাজেটে যেমন কৃষি মন্ত্রণালয়ের জন্য বরাদ্দ কমছে, এর জন্য বরাদ্দ কমছে বার্ষিক উন্নয়ন কর্মসূচিতেও। আনুপাতিক হারে কৃষি মন্ত্রণালয়ের জন্য বাজেট বরাদ্দ প্রতি বছর নিয়মিত কমছে। বার্ষিক উন্নয়ন কর্মসূচিতে বরাদ্দের হার কিছুদিন এক রকম থাকলেও, তাও এখন কমছে নিয়মিত।



লেখচিত্রে দেখা যাচ্ছে যে, ২০১২-১৩ অর্থ বছরে কৃষি মন্ত্রণালয়ের জন্য বরাদ্দ ছিল মোট বাজেটের ৫.৪৪%, আর বার্ষিক উন্নয়ন কর্মসূচির ২.২% ছিল এই মন্ত্রণালয়টির জন্য। ২০১৭-১৮ তে বাজেটের মাত্র ৩.১২% বরাদ্দ রাখা হচ্ছে গুরুত্বপূর্ণ এই মন্ত্রণালয়টির জন্য, অন্যদিকে বার্ষিক উন্নয়ন কর্মসূচিতে কৃষির জন্য বরাদ্দ মাত্র ১.২%। ২০১৬-১৭ অর্থ বছরের জন্য বাজেটে কৃষি মন্ত্রণালয়ের জন্য মোট বরাদ্দ ছিল ১৩,৬৭৫ কোটি টাকা, সংশোধিত বাজেটে যা করা হয়েছে ১৩,৩৭৬। ২০১৭-১৮ অর্থ বছরের জন্য কৃষি মন্ত্রণালয়ের জন্য প্রস্তাব করা হয় ১৩,৬০০ কোটি টাকা, অর্থাৎ এর আগের বছরের মূল বাজেটের চেয়ে প্রস্তাব করা হয় আরও কম।

অথচ বাজেট বরাদ্দ বাড়ানোর দাবিই ছিল যৌক্তিক। ২০১৭-১৮ সালের প্রস্তাবিত বাজেটের আকার ২০১৬-১৭ অর্থ বছরের তুলনায় বেড়েছে প্রায় ৩০%, অথচ কৃষি জন্য বরাদ্দ গত অর্থ বছরের তুলনায় কমানো হয়েছে ০.৮১%! ২০১৬-১৭ অর্থবছরে কৃষিখাতে বরাদ্দ ছিল মোট বাজেটের ৪.০১%, ২০১৭-১৮ অর্থ বছরের জন্য এখাতে বরাদ্দ মাত্র ৩.৪%।

ভারতের ২০১৭-১৮ অর্থ বছরের জন্য ঘোষিত ইউনিয়ন বাজেট বা জাতীয় বাজেট বাংলাদেশের জন্য শিক্ষণীয় হতে পারে। দেশটিতে ২০১৬-১৭ অর্থ বছরের তুলনায় ২০১৭-১৮ অর্থ বছরে কৃষি ও পল্লী উন্নয়নের জন্য বাজেট বৃদ্ধি করা হয়েছে প্রায় ২৫%! কৃষি ঋণ বিতরণের লক্ষ্যমাত্রা বাড়ানো হয়েছে ১ ট্রিলিয়ন রুপি, শস্য বীমার জন্য বরাদ্দ বাড়ানো হয়েছে প্রায় ৪০০০ কোটি রুপি। এই অর্থ বছরে দেশটির ৪০% শস্য এলাকা এবং এর পরের বছর ৫০% এলাকাকে শস্য বীমার আওতায় আনার লক্ষ্যমাত্রা নির্ধারণ করা হয়েছে। প্রতিবেশী এই দেশটির কৃষির জন্য এ ধরনের বরাদ্দ বা উদ্যোগ প্রশংসনীয়। বাংলাদেশেও জাতীয় বাজেটে এই ধরনের উদ্যোগ আমরা আশা করি।


৬. বিশ্ব বাণিজ্য সংস্থা, বিশ্বব্যাংকের পরামর্শে কৃষিতে ভর্তুকি কমানো হবে আত্মঘাতী

কেনিয়ায় অনুষ্ঠিত বিশ্ব বাণিজ্য সংস্থার ১০ম মন্ত্রী পর্যায়ের সভায় কৃষিতে ভর্তুকির অবসানের ব্যাপারে সদস্য হিসেবে বাংলাদেশও একমত পোষণ করেছে। বিশ্ব বাণিজ্য সংস্থার সিদ্ধান্ত অনুযায়ী ধনী দেশগুলো ২০২৩ সালের মধ্যে কৃষি পণ্য রপ্তানির ক্ষেত্রে ভর্তুকি দেওয়া বন্ধ করবে, স্বল্পোন্নত দেশগুলোর জন্য সময়সীমা ২০৩০ সাল পর্যন্ত। অনেকেই বলে থাকেন, বিশ্ব বাণিজ্য সংস্থার এই চুক্তিতে শুধুমাত্র কৃষি পণ্য রপ্তানির ক্ষেত্রে ভর্তুকি বন্ধ করার কথা বলা হয়েছে, সকল ক্ষেত্রে নয়। এই বিষয়টির বিপদজনক দিক হলো, যদি অন্য কোন দেশ বাংলাদেশ বিরুদ্ধে অভিযোগ করে যে, সার-ডিজেলে ভর্তুকি দেওয়ায় সেটা কৃষি পণ্য রপ্তানিকে প্রভাবিত করছে, তাই এই ভর্তুকি বন্ধ করতে হবে। এরকমটা হলে সেটা বাংলাদেশে জন্য বেশ বিপদই হয়ে যাবে। সুতরাং এই চুক্তি অনুযায়ী বাংলাদেশকে ২০৩০ সালের মধ্যে কৃষিতে ভর্তুকি সম্পূর্ণভাবে বন্ধ করে দেওয়ার চাপ আসতেই পারে।

বিশ্ব বাণিজ্য সংস্থার নাইরোবি চুক্তি বাংলাদেশের মতো স্বল্পোন্নত দেশগুলোর সঙ্গে ধনী দেশগুলোর চরম এক চালাকি। হংকং ঘোষণা (২০০৫ সাল) অনুযায়ী উন্নত দেশগুলো কৃষি পণ্য রপ্তানির ক্ষেত্রে ২০১৩ সালের মধ্যেই সকল ভর্তুকি বাতিলের অঙ্গিকার করে, নাইরোবিতে এসে তারা সেই সুযোগটাকে আরও ১০ বছর বাড়িয়ে ২০২৩ সাল পর্যন্ত করে নিল। আবার এই নিয়ম প্রক্রিয়াজাত খাবার এবং দুগ্ধ শিল্পের জন্য প্রযোজ্য হবে না। তার মানে যুক্তরাষ্ট্র, ইউরোপীয় ইউনিয়ন তাদের এই কৃষি প্রক্রিয়াজাত শিল্পে ভর্তুকি অব্যাহত রাখার সুযোগ পাবে। বাংলাদেশ কৃষি প্রক্রিয়াজাতকরণ শিল্পে এখনও অনেক পিছিয়ে, তাই এই ধরনের সুযোগ আমরা পাচ্ছি না, অথচ কৃষি ক্ষেত্রে প্রয়োজনীয় ভর্তুকি কমিয়ে দিতে হচ্ছে।

আগামী বাজেটে এই আন্তর্জাতিক চক্রান্তের বিষয়গুলো বিবেচনা করতে হবে। দেশের খাদ্য নিরাপত্তা নিশ্চিত করতে কৃষির ভর্তুকি কমানোর মতো আত্মঘাতী সিদ্ধান্ত গ্রহণ করা যাবে না।

বিশ্ব বাণিজ্য সংস্থার অন্যান্য সদস্য, বিশেষ করে উন্নত দেশের



মার্কিন যুক্তরাষ্ট্র প্রতি মাসে তার প্রতিটি কৃষককে ৩ লাখ টাকা করে ভতুর্কি দিয়ে এসেছে, ইউরোপে একজন কৃষক প্রতিদিন প্রায় ৪৮০ টাকা করে ভতুর্কি পায়। গত দুই বছর ধরে বাংলাদেশের একটি কৃষি পরিবার বার্ষিক বরাদ্দ পেয়েছে মাত্র ৭২০০ টাকার মতো!

কৃষি এবং বাংলাদেশের কৃষির বাস্তবতা এক নয়। উন্নত দেশগুলো ইতিমধ্যে দীর্ঘদিন কৃষিতে বিরাট আকারের কৃষি ভতুর্কি দিয়ে তাদের কৃষকদের দক্ষতা উন্নয়ন ঘটিয়েছে, কৃষকের সক্ষমতা বেড়েছে, তাদের বাজার ব্যবস্থার কারণে কৃষকরা প্রতিষ্ঠিত। বাংলাদেশে এই অবস্থা সম্পূর্ণ বিপরীত। তাই উন্নত একটি দেশে ভতুর্কি বন্ধ করা আর বাংলাদেশে ভতুর্কি বন্ধ করা এক নয়।

বিশ্ব ব্যাংক, আইএমএফ এবং ধনী দেশগুলোর চাপে বাংলাদেশ কৃষিতে ভতুর্কি প্রত্যাহার করেছে। কিন্তু শিল্পোন্নত দেশগুলো কৃষিতে ব্যাপক পরিমাণ ভতুর্কি ও সহায়তা দিয়ে যখন তারা শিল্পোন্নত হয়েছে, তখনই ভতুর্কি কমানোর দাবি তুলেছে। কারণ তারা ভতুর্কি ও সহায়তা দিয়ে তাদের নিজ নিজ দেশে কৃষি ভিত্তিক শিল্প গড়ে তুলেছে। এখন তাদের প্রয়োজন সেই শিল্পের বাজার। তারা কোনভাবেই চায় না স্বল্পোন্নত দেশগুলো কৃষিতে স্বয়ংসম্পূর্ণ হয়ে যাক, এতে করে তাদের বাজার বন্ধ হয়ে যাবে। যেহেতু তৃতীয় বিশ্বের দেশসমূহ প্রযুক্তিগতভাবে দুর্বল এবং এখনো কৃষি পণ্য প্রক্রিয়াজাতকরণের ব্যাপক প্রযুক্তি ও সফলতা নেই, সেহেতু কৃষি কাঁচামালই আমাদের বিক্রি করতে হবে। উন্নত দেশগুলো তাই চায়।

মার্কিন যুক্তরাষ্ট্র প্রতি মাসে তার প্রতিটি কৃষককে ৩ লাখ টাকা করে ভতুর্কি দিয়ে এসেছে, দেশটি প্রতিদিন কৃষিতে প্রায় ৩ লাখ ২০ হাজার কোটি টাকা ভতুর্কি দেয়। ইউরোপে প্রতিদিন একজন কৃষক প্রায় ৪৮০ টাকা করে ভতুর্কি পায়। ২০১০ সালে ইউরোপীয় ইউনিয়ন প্রায় ৬ লাখ কোটি টাকা কৃষি উন্নয়নে ব্যয় করে, এর মধ্যে প্রায় ৪ লাখ কোটি টাকাই ছিল সরাসরি কৃষি ভতুর্কি। অন্য দিকে গত দুই বছর ধরে বাংলাদেশের একটি কৃষি পরিবার বার্ষিক বরাদ্দ পেয়েছে মাত্র ৭২০০ টাকার মতো!

বাংলাদেশের কৃষকরা সাধারণত সার ও ডিজেলের ক্ষেত্রে নগদ ভতুর্কি সহায়তা পেয়ে থাকেন। ২০৩০ সালের পর বন্ধ করতে হবে কৃষি পণ্যে রপ্তানিতে সহায়ক সকল সরকারি সহযোগিতা। সার ও ডিজলে ভতুর্কি বন্ধ করলে কৃষকের উৎপাদন খরচ বেড়ে যাবে, ফলে বাজারে আমাদের কৃষি পণ্যের মূল্য বাড়বে। আবার ত্রুটিপূর্ণ বাজার ব্যবস্থার কারণে কৃষক বাজারেও তার পণ্যের ন্যায্যমূল্য পাবে না। অন্য দিকে যেহেতু ২০৩০ সালের পর কৃষিপণ্যকে সুরক্ষা দিতে সরকার কিছু করতে পারবে না, তাই উদ্বৃত্ত উৎপাদনকারী দেশগুলো থেকে কম দামের কৃষি পণ্য আমাদের দেশে ঢুকবে, ফলে আমরা বাধ্য হয়ে সেগুলো কিনব। সরকারকে তাই এই বিষয়গুলো বিবেচনা করে বাজেটে কৃষির জন্য বরাদ্দ দিতে হবে।

৭. আমাদের সুনির্দিষ্ট দাবিসমূহ:

ক. কৃষি পণ্যের ন্যায্যমূল্য নিশ্চিত করতে মূল্য কমিশন গঠন করতে হবে

খ. বাজেটের আকারের সঙ্গে সামঞ্জস্য রেখে কৃষির জন্য বরাদ্দ বাড়াতে হবে

গ. বাজেটে কৃষির জন্য ভতুর্কি বাড়াতে হবে, ভতুর্কির কার্যকর ব্যবহার নিশ্চিত করতে হবে

ঘ. ক্ষতিকর বিদেশি বীজ আমদানি বন্ধ, বিটি বেগুন, গোন্ডেন রাইসসহ বিতর্কিত জিএমও কৃষি প্রবর্তন বন্ধ করতে হবে। বীজ সার্বভৌমত্ব অর্জনে বিএডিসিকে আরও শক্তিশালী ও কার্যকর করতে হবে

ঙ. পাটের ব্যবহার বাড়ানোর জন্য সরকারের বিভিন্ন উদ্যোগে আমরা সাধুবাদ জানাই। পাটের সোনালী অতীত ফির্নিয়ে আনতে বিশেষ বরাদ্দ দিতে হবে

চ. কৃষি জমির অকৃষিখাতে ব্যবহার নিয়ন্ত্রণ করতে হবে

ছ. কৃষক বাঁচাতে নদী ভাঙ্গন প্রতিরোধ এবং ক্ষতিগ্রস্তদের পুনর্বাসনে বাজেট বরাদ্দ দিতে হবে।

আয়োজক সংগঠনসমূহ:

উপকূলীয় কৃষক সংস্থা, বাংলাদেশ মৎস্য শ্রমিক জোট, বাংলাদেশ ভূমিহীন সমিতি, বাংলাদেশ কৃষি ফার্ম শ্রমিক ফেডারেশন, জাতীয় নারী কৃষক সংস্থা, বাংলাদেশ আদিবাসী সমিতি, লেবার রিসোর্স সেন্টার, নলছিড়া পানি উন্নয়ন সমিতি, দিঘন সিআইজি, কেন্দ্রীয় কৃষক মৈত্রী ও কোস্ট ট্রাস্ট

যোগাযোগ:

১. মোস্তফা কামাল আকন্দ, মোবাইল: ০১৭১১৪৫৫৫৯১,

ইমেইল: kamal@coastbd.net,

২. মো. মজিবুল হক মনির, মোবাইল: ০১৭১৩৩৬৭৪৩৮,

ইমেইল: munir@coastbd.net